



**Forum Competens Quæstionibus ex Universo Jure
selectis, atque ad praxin utilissimis illustratum, Seu
Tractatus Canonico-Civilis**

Friderich, Melchior

Ingolstadium, 1709

§. V. Qua pœna afficiendus sit subditus unius territorij propter delictum
alibi patratum?

[urn:nbn:de:hbz:466:1-61662](#)

V.

**Quā pœnā afficiendus sit subditus unius territorij
propter delictum alibi patratum.**

SUMMARIUM.

165. *Delinquens, etiam peregrinus, puniendus est pœnā in loco de-
lictī consuetā.*

166. *Nisi ibi lata sit solum sententiā generali.*

166. *Subditus in loco domicilij puniendus est pœnā in loco delicti
receptā.*

165. Cūm delinquens puniri possit, ut haec tenus dixi, tam
in loco domicilij, quām in loco delicti, fieri verò possit, ut alia
delicto statuta sit poena in uno loco, quām in altero, dubium re-
stat, an si punitur reus in loco domicilij propter delictum alibi
patratum, ubi diversa poena in usu est, puniendus sit pœnā in
loco delicti usitatā, an eā, quæ recepta est in loco domicilij: item
an puniendus sit pœnā domicilij, si punitur in loco delicti. Vi-
deri potest, puniendum semper esse eā pœnā, quæ in loco domi-
ciliū statuta est: nam peregrinus, ut dixi suprà à n. 66. non tene-
tur statutis locorum, ubi peregrinatur; puniri ergò nequit pœ-
nā hujusmodi statutis latā. Verūm dicendum est, in loco deli-
cti puniri reum peregrinum posse ac debere pœnā ibi consuetā.
Ita communis DD. nemine, quem sciam, refragante: nam ra-
tione delicti forum sortitur delinquens juxta dicta n. 136. Unde
bene dēducit Covarr. in C. Alma. de Sent. excomm. in 6. p. 1. §.
10. n. 2. ligari censurā pro futuris culpis in aliquo territorio latā,
non tantum illōs, qui tempore statuti conditi sunt subditi, & eos,
qui post statutum factum fiunt subditi; sed exterōs quoque non
subditos, si in illo territorio delinquent.

166. Aliud de Sententia generali, de qua suprà n. 42. sta-
tuunt idem Covarr. l.c. Butr. col. 3. & Panor. II. 3. in C. 21. de Sent.

R. 3.

excomm.

excomm. Suar. de Censur. diss. 5. sect. 5. n. 10. aliique communiter, eaque ajunt non ligari extraneos ibi delinquentes, ubi latâ est, ac propterea poenâ per eandem latâ puniri nequire. Patet ex cit. C. 21. ubi dicitur, hujusmodi sententiâ tantum subditos ob ligari. Imò neque illos ligari, qui subditi quidem sunt tempore delicti, non tamen erant tempore prolatæ sententiæ, tenent In- noc. Panor. ac aliij in cit. C. 21. eò quod sententia referatur ad tempus, quo pronunciatur.

167. An verò vicissim Judex domicilij, quando punit subditum propter delictum alibi commissum, infligere debeat poenam in suo territorio vel statuto vel consuetudine receptam, controversum est. Affirmant aliqui apud Parisium *L. 4. consil. 159. n. 5.* Negant cum Bart. Aretin. Paris. Angel. Panor. Felin. Boff. ac communi Farin. *L. 1. prax. crim. tit. 3. q. 24. n. 167.* Clar. *L. 5. sent. §. fin. q. 85. v. tertius*, & puniendum esse reum afflunt poenâ statutâ in loco delicti: eò quod statutum speciale domicilij non liget subditos ab illo absentes juxta dicta suprà à n. 43. & locum habeat duntaxat quoad delicta in territorio commissa. Paris. *l. c. n. 6.* cum Bart. Bald. Alex. ac alijs. Quod si in loco delicti nullum sit statutum speciale poenam imponens, puniendus tam ibi, quam in loco domicilij, erit reus juxta Jus commune. Alex. *vol. 2. consil. 111. n. 4.* Boff. *tit. de pæn. n. 19.* Bart. in *L. 1. C. de SS. Trin.* Oliva p. 3. For. Eccl. q. 3. n. 3. Quin juxta Jus commune puniri in loco domicilij posse, tametsi in loco delicti ex speciali statuto specialis poena in usu sit, affirmant non pauci cum Paris. *l. c. n. 7.* dum absolutè tradunt, posse in loco domicilij puniri non quidem juxta jus mun-
cipale, bene tamen juxta com-
mune.

CAP.

C A P U T III.

De Foro Contractū.

S. I.

An Forum acquiratur in loco Contractū.

S U M M A R I U M.

168. *In loco Contractū quivis convenitur ratione contractū : etiam Clericus ; sed solum coram Judice Ecclesiastico.*
169. *Etiam privilegiatus alius , nisi habeat privilegium in Corpore Juris clausum.*
170. *Idem procedit de quasi contractū & quavis conventione.*
171. *Idem de distractu , seu negotio dissoluto.*
172. *Licet domicilium mutarit , qui in loco domicilij contraxit.*
173. *Juxta Statuta Bavariae contrahens solum convenitur in loco domicilij.*
174. *Exceptis quibusdam casibus.*
175. *Quandoque etiam de Jure communi conveniri nequit in loco contractū.*

168. Sortiri quemvis forum quoad contractum ibi, ubi contractum iniſt, aperti juris est C. ult. de For. comp. C. 1. §. 3. eod. in 6. L. haeres absens 19. §. proinde. ff. de Judic. ita tamen, ut Clerici conveniendi sint coram Judice Ecclesiastico, coram laico laici. cit. C. 1. §. 3. & C. 1. de privil. in 6. Neque obstat, quod Clericus absque licentia sui Ordinarij, cui videlicet ratione Beneficij vel domicilij subjectus est, in alienum Episcopum consentire nequeat juxta C. significasti 18. de For. comp. quia ibi agitur de prorogatione, eoque Episcopo, cui Clericus nullo modo subjectus est; secus si subjectus fiat ratione vel delicti, vel contractū, vel rei sitæ. Cur autem quivis in loco contractū conveniri possit, & si judicium suscipere ibi nolit, captis pignoribus ac manūs injectione ad id compelli,